



Broj: 150-15-4-2177- 5 /21 SAK
Sarajevo, 07-12. 2021. godine

Na osnovu člana 69. stav (2) tačka a) i člana 70. stav (1), stav (4) i stav (6) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine, člana 13. stav (2) tačka b), člana 43. stav (1) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

ODLUKU
o poništenju postupka javne nabavke robe – Reflection softver

Član 1.

Ovom odlukom se poništava otvoreni postupak za nabavku robe – Reflection softver, procijenjene vrijednosti u iznosu od 8.000,00 KM (slovima: osamhiljada konvertibilnih maraka i 00/100), iz razloga što nije dostavljena nijedna ponuda u određenom krajnjem roku.

Član 2.

Za realizaciju ove odluke zadužuju se Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 3.

Ova odluka će se objaviti na web stranici Centralne banke Bosne u Hercegovine, www.cbbh.ba, u skladu sa članom 70. stav 6. Zakona o javnim nabavkama («Službeni glasnik BiH», broj 39/14).

O b r a z l o ž e n j e

Postupak javne nabavke robe – Reflection softver, putem otvorenog postupka, pokrenut je Odlukom o pokretanju postupka, broj: 150-15-4-2177-2/21 SAK od 10. novembra 2021. godine. U skladu s tim, Centralna banka je 17. novembra 2021. godine na portalu Javnih nabavki objavila Obavještenje o nabavci broj: 1370-1-1-558-3-305/21.

U tenderskoj dokumentaciji je bio određen rok za prijem ponuda 02. decembar 2021. godine.

Komisija za provođenje postupka javne nabavke je konstatovala da u predviđenom roku nije dostavljena nijedna ponuda, te je u svom Izvještaju o radu komisije sa preporukom broj: 149-15-4-2275-3/21 od 02. decembra 2021. godine, dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.



GUVERNER

Senad Softić
dr. Senad Softić

Dostaviti:

- guverneru
- viceguvernerima
- Uredu glavnog internog revizora
- predsjedniku i članovima komisije
- Odjeljenju za platne sisteme
- Odjeljenju za računovodstvo i finansije (original)
- Odjeljenju za javne nabavke (original)
- u spis predmeta (original)
- arhiva